

# Van sente Aeghten


editie M. Gysseling

## bron

*Van sente Aeghten*. In: Instituut voor Nederlandse Lexicologie (samenstelling en redactie), *Cd-rom Middelnederlands*. Sdu Uitgevers/Standaard Uitgeverij, Den Haag/Antwerpen 1998.

Zie voor verantwoording: [http://www.dbnl.org/tekst/\\_sen003mgys01\\_01/colofon.php](http://www.dbnl.org/tekst/_sen003mgys01_01/colofon.php)

© 2012 dbnl



**[Van sente Aeghten]**

- Te onsen here diese ghewrachte  
 Ente haren euenkerstijn mede  
 So plach meengher ghoeder zede  
 Soe was wetende van vroeden rade  
 5 Ende altoes wassoe ghestaede  
 Inde wet van kerstijn heit  
 Daer soe omdoegde aerbeit  
 Die an hare wart bekent  
 In meenghen groeten torment  
 10 Die haere lichgame ghedoegde  
 Bedi dat soe anghode gheloefde  
 Soe ne rochte niet wat hare gebrac  
 Dor ghode enter zielen ghemac  
 Jnden cloester dar zoe in was  
 15 Gharne soe van ghode dar las  
 Hare ambacht dat soe leerde  
 Ende hare herte altoes soe kerde  
 An doegdeliken dinghen  
 Die zoe altoes wilde vvlbringhen  
 20 Bi hulpen van den helegghen gheest  
 Die hare troest was alremeest  
 Als soe iet at ofte dranc  
 Dat docte hare wesen harde lanc  
 Want soe garne hadde gelesen  
 25 Of anders in ghods dienste wesen  
 So dede wel dicken hare ghebede  
 Altoes in hemelliker stede  
 Aldaer niemen haers nerochte  
 Diese hiet beletten mochte  
 30 Dar bat soe ouer kerstineit  
 Ende ombe der sielen salecheit

- Ende dat se ghod moeste ghesterken  
 In duegdeliken ghewerken  
 Daer hi hare gaerne help toe  
 35 Bede spade ende oec vroe  
 Also hi den ghenen altoes doet  
 Die an hem keren haren moet  
 So liet de weelde van aerterike  
 Omde bliscap van hemelrike  
 40 Ende alle warelike ghenoecte  
 Ombe der sielen gheuoechte  
 So liet aertscen riken roem  
 Om den eweliken doem  
 So liet des vleschs onsuuerheit  
 45 Om der zielen reinecheit  
 Ende om de minne ghods ons heren  
 Diese bi siere heelgher leeren  
 In meenghen vernoie vertroste  
 Ende vte meengher noet verloeste  
 50 Ende oec dedi hare wleeste  
 So dat van den heelghen gheeste  
 De gracie hare was so met  
 Dat soe leefde ie lanc so bet  
 Doe sent aeghtte die suuer ionnfrowe  
 55 Die ghods vriendinne was getrowe  
 Aldus gheweest hadde wel daer  
 Hic ne weet hoe menech jaer  
 S[o] verees het een heidin coninc  
 Dat aldus ware dese dinc  
 60 Die quintianus was gheheten  
 Vernemt wel hic doe veten  
 Een deel der zeden die hi plach

- Ende de richeit die an hem ghelach  
 Dat ghire bet sult na verstaen  
 65 Van dat hic hier sal anegaen  
 Qvintianus die quade tyran  
 Hi was een gheweldech man  
 Also wi vinden inden latine  
 Edel gheboren van sarrasine  
 70 Coninc endoec coninckint  
 Na dien dat men ghescreuen vint  
 Hi hilt algader in sine hande  
 Dmeeste deel van den lande  
 Dat scielien toe behoert  
 75 Jn menech lant in meenghe port  
 Ghinghen sine banne ende sine gebode  
 Met sier herten haetti gode  
 Ende was altoes oec ombequame  
 Daer hi hoerde nomen ghods name  
 80 Hi ende oec alle de zijne  
 Die wle quade sarrasine  
 Si anebeeden caluer onreene  
 Die ghemaelt waren van steene  
 Oec van seluere of van goude  
 85 Alzo die coninc selue woude  
 Si aenriepense ouer ghod  
 Doe quintianus die wle sot  
 Die onghenadeghe vrede tyran  
 Dat ongeloeue dus groet ghewan  
 90 Dat hic ghesegghen niet ne [ma]ch  
 Doe sat hi op vp enen dach  
 Ende dorreet algader sijn lant  
 Daer hi eenghen mensce vant  
 Die an ghode gheloeuen dorste

- 95 Dien so gaf hi onlanghe verste  
Hine dedene snieme ontliuen  
Den man daer metten wiuen  
De iunghe metten ouden  
Met pinen sijt ontghouden
- 100 Doe hi weder te houe quam  
Ende hi de warheit vernam  
Dat sente aghate de ghoede  
Diende seere met oemoede  
Ende minde onsen heeren ghod
- 105 Ende hilt ghaerne sijn ghebod  
Ende an hem hilt haer ghedochte  
Ghestade bi daghe ende bi nachte  
Hic wane dat dese niemare  
Hem was te hoerne harde sware
- 110 Want hi was fel ende vvreet  
Ende alle doeght was hem leet  
Meenghen raet dat hi rochte  
Hoe hi die ionghe maeghet mochte  
Bi engher boeser leeren
- 115 Vte haren ghoeden wille gekeren  
So dat soe kerste soude laten  
Ende sine wet algader haten  
Ende anebeeden sine afghode  
Ende staen te sinen ghebode
- 120 Ende hise dan nemen soude tewiue  
Dor de scoenheit van haren liue  
Dat was sijn vterste raet  
Doe dit ghepens hadde die quaet  
Qvintianus die quade tyran

- 125 Hi dede roepen twe siere man  
Die van heme hilden leen  
Hi hietse gaen onder hem twen  
Ende dat si mede oec ane daden  
Hare wapenlike ghewaden
- 130 Ende si hem die maegt sochten  
Ente sinen houe brochten  
Er si kerden sonder blijf  
Also lief also si hare lijf  
Hadden te behoudene ende hare ghoet
- 135 Twe seriante euele ghemoet  
Die dat ghebot doe vernamen  
Toeten coninc dat si quamen  
Si waren stout ende coene  
Ende altoes ghereet te doene
- 140 Dat hi gheboet ende hiet  
Doe ne wilden si langher letten niet  
Elc gheredden so hi best can  
Ende daden hare wapine an  
Bede acotoene ende spaweliere
- 145 Ende halsberghe harde diere  
Wapenrocke ghoet der bouen  
Dit was waerheit ongheloeghen  
Cautchone dat si oec bonden  
Doe namen si ten seluen stonden
- 150 Bede scilt ende swaert  
Doe ghinghen si te cloestre waert  
Dar die ioncvrowe binnen was  
Ende hare venie te ghode las  
Jn ene capelle dat sise vonden
- 155 Biden aermen dat sise pronden  
Ende seiden aeghte du best gheuaen

- Die maegt wart bleec ende ongedaen  
 Want soe ne conste gheweten niet  
 Tien tiden wat hare was ghesciet  
 160 Want soe vanghenesse niet verdiende  
 So seide mine lieue vriende  
 Warumbe hebdi mi ghevaen  
 Want hic ne hebbu niet mesdaen  
 Jeghen v no groet no clene  
 165 Doe spraken si ter maghet reene  
 Aeghte nv ne vant di niet onsien  
 Van ons ne saldi messcien  
 Al scinen wi di nu verbolghen  
 Wiltu onsen raet nv volgghen  
 170 Wi sullen di nv wonder segghen  
 Twi wi di ghevaen hier hebben  
 Onse here de coninc quintiaen  
 Hi hiet ons beden om di gaen  
 Dat wi di bringhen souden te houe  
 175 Want du best soe in sinen loue  
 Mits der scoenheit van dinen lieue  
 Dat hi di hebben wille te wive  
 So sere dwinctene dine minne  
 Hi saldi maken coninghinne  
 180 Ende vrowe van al sinen rike  
 Ende doen di dragghen gheweldelike  
 Effens hem seluen harde scoene  
 Wel de coninclike crone  
 Dat machtu doen wel met eeren  
 185 Wiltu dar toe nv di keren  
 Dattu dinen ghod wils laeten



- Ende verspuwen ende haten  
 Ende anebeden sine afgode  
 Ende houden hare ghebode  
 190 Met wel herteleken moede  
 Het sal di comen te groeten ghoede  
 Wiltu dit niet anegaen  
 Hi saldi thoeft af doen slaen  
 Of anders iamberleke doen steruen  
 195 Nv teen van desen tveen moestu verwerven  
 Alsoe die heelghe maegt verhoerde  
 Die wel vreslike worde  
 So wart tehand sere veruaert  
 Ende sloch haer oeghen ten hemele wart  
 200 Ende seide here die mi ghemakets  
 Ende de bettere doet ghesmakets  
 Om te loessene adaems gheslachte  
 Vte squaets viants achte  
 Hic biddu also warlike  
 205 Als ghi hier in aerderike  
 Meenghen sondenare hebt beraden  
 Ende meenghen mensce van noede ontladen  
 Dat ghi nu moet beweren  
 Al de ghene die mi willen deeren  
 210 Ende verleent mi sulc ghedachte  
 Bede bi daghe ende bi nachte  
 Den viant so te wederstaene  
 Ende den coninc quintiane  
 Die mi nu wil doen huwen  
 215 Dat hic ember wille scuwen  
 Nu neemt te mi ghoeden ghoem  
 Want ghi sijt mijn brudeghoem

- Hic soude eer nu laten dleuen  
 Dan hic v here soude begheuen
- 220 Want hic hebbe v vercoren  
 Vor al dat leeft nv te voeren  
 Here dor vwe ontfaermecheit  
 Behoed nu mine suuerheit  
 Nv ende in allen stonden
- 225 Van desen quaden honden  
 Die mi in quaden wille volghen  
 Also wrede lioene verbolghen  
 Of si mi dus willen besmetten  
 Here dat moeti altoes beletten
- 230 Ende moet mi mede verloesen  
 Van quintiane den boesen  
 Ende van dorparliker dade  
 Ende mede van mannes sade  
 Also warlike als hic lude no stille
- 235 Noit ne crech wlmaecten wille  
 Met manne de doene dorparhede  
 Al haddics moete ghehad ende stede  
 Noch biddic v vader here  
 Nv met wel groeten seere
- 240 Van v gratie ende oec macht  
 Dat hic wesen moete so bedacht  
 Alsic comen sal te staene  
 Vor den coninc quintiane  
 Ende hi mi dan dar sal vraeghen
- 245 Van minen gheslachte van minen maeghen  
 Ende oec mede van minen gheloeue  
 Dat hict hem dan zo betoghe  
 Dat hi mi daer niet ne begripe

- Ende houden di te dinen liue  
 250 Alse mine vrouwe ende mijn wijf  
 Ende minnen als mijns selues lijf  
 Ende doendi eere in allen sinne  
 Hic saldi maken coninghinne  
 Van algader minen rike  
 255 Ende doendi draghen gheweldelike  
 Effens mi vele scoene  
 De coninlike croene  
 Hic gheefs di al in dine hant  
 Huus porten ende lant  
 260 Ende sal doen ghebieden  
 Alle minen lieden  
 Dat si di wesen onderdaen  
 Ende te dinen dienste staen  
 Bi daghe altoes ende bi nachte  
 265 Met algader haerre machte  
 Debeste van minen riken  
 Die doic v ghewiken  
 Bede ruddren ende cnapen  
 Doic v in allen saken  
 270 Dienen met ghoeder trowen  
 Daer toe vrouwen ende ioncvrouwen  
 De scoenste die men vinden mach  
 Der met te cortene vwen dach  
 Dit sal v sijn groet eere  
 275 Wildi oec yewet meere  
 Hic salt v al doen hebben  
 Sonder enech wedersegghen  
 Maer eist dat ghi sijt so sot

Dat ghi verhort dit ghebot  
 280 Ende ghi niet dit wijlt kiesē  
 V lijf suldi endelike verliesē  
 Ende sal v doen vele saē  
 Thoeft van den buke slaē  
 Of vwe borste aue wringhen  
 285 Sonder enech weder dinghen  
 Of doen verbernen in enen viere  
 Of werpen onder die wilde diere  
 Die di vressceleke sullen verbiten  
 Ende dijn vlesch te stiken sliten  
 290 Of dine oeghen vte doen steken  
 Of in scartwielen breken  
 Of inder ze gront verdrinken  
 Nv vant hier ombe saē nu dinken  
 Ay ouer scoene ioncvrowe  
 295 Dies biddic vor rechte trowe  
 Ende omme vwe selues duegt  
 Ontfaermet vwer iongher iuegt  
 Ende werct saē na minen raede  
 Want hennes noch niet te spade  
 300 Bescuwet desen aerebeit  
 Ende nemet dese rijcheit  
 So moegdi sonder sneuen  
 Met wel groeten eeren leuen  
 Doe die maegt die tale vernam  
 305 Jc waenese hare niet wel bequam  
 Soe verdroegh sere haren mont  
 Ende seide o onrene hont  
 Twi so machtu mi dus dreghen

- An bemic niet dijn eeghijn  
 310 Dat hic di oec iet ghewike  
 Al waerstu noch alsoe rike  
 Hic nonsaegdi niet een twijnt  
 Dijn ghedrech es mi al wint  
 Minen lichgame machtu verslaen  
 315 Maer mine ziele sal di ontgaen  
 Onse here salse wel behoeden  
 Dor sine groete oemoeden  
 Neemstu oec mijn leuen  
 Mi weertre ombe ghegheuen  
 320 Dat blide leuen ewelike  
 Vor ghode bouen in hemelrike  
 Daer de bliscap es vele groet  
 So bemic quite van alre noet  
 Ende van deser ertscher pine  
 325 Daer mi in stonde te sine  
 Ende die hic moeste verwerven  
 Nv so willic garne steruen  
 Om sinen wille die eene waerf  
 Dor ons andie cruce starf  
 330 Harde wel sal hijt mi loenen  
 Ende metten saelghen sielen croenen  
 De doet es mi sere bequame  
 Ay hoe gherne hicse name  
 So dinct mi wesen harde soete  
 335 Ende soe heeft in hare deboete  
 Van miere zielen wonden  
 Dat es van minen sonden  
 Bi hare so sal nemen ende

- Algader mine meswende  
 340 Ay ne waric niet wel sot  
 Of hic liete minen ghod  
 In eengher maeniere lude ofte stille  
 Om dies wls ghedreegs wille  
 Maer of ghod wille nienic niet  
 345 So wat so mi der na ghesciet  
 Hic ne loeghene sijns nembermeer  
 In sinen dienste willic bliuen embermeer  
 Doet ende leuende in elker stont  
 Wach dat tud sp<r>acs met tiere mont  
 350 Dat hic anebeden soude dine ghode  
 Ende houden gaerne haer ghebode  
 Ende verwerpen mine wet  
 Om de minne van dinen maeumet  
 Dv souts mi nemen tenen wiue  
 355 Voert meer altoes te dinen liue  
 Ende doen mi gheweldelike  
 Draghen van al dinen rike  
 De coninlike croene  
 Dit was gheboeden vele scoene  
 360 Waric wijf van diere wet  
 Ende hic di danne wilde met  
 Maer nenic niet en rechter trowen  
 Het mochte mi harde sere rouwen  
 Ende hic ware dorper ende onwijs  
 365 Lietic minen eersten amijs  
 Dien hic oit met herten minde  
 Al van wel clenen kinde  
 Om dine quade wle afgode

- Ende dan via[nt ...]  
 370 Niet een twint [...]gen  
 Dar ombe willic [...]  
 Mi pinen derre war[elt to]ntgane  
 Enten viant te wederstaene  
 Hier ombe es mi dine rijcheit  
 375 Onghenochleec ende leit  
 Ende negheen vernoi onsie hic niet  
 Nochtan dregdine dies niet onsiet  
 Want torment ende pine  
 Es miere zielen medicine  
 380 Daer zoe mede gheganst sal werden  
 Van algader haren meswerden  
 Wordic nu gheslegghen te doet  
 Hic voere inde bliscep groet  
 Die niemen wel ne vertellen nemach  
 385 No vleslijc oeghe noit ne sach  
 Hier ombe ne vresic niet een twint  
 Want vwe worde sijn al wijnt  
 Daer mine ziele in wert verclaert  
 Vander mesdaet diese verswaert  
 390 V dregghen dats mi al regghen  
 Da[er] mine ziele in wert ghedwegghen  
 V[an alle]n s[o]ndeliken smetten  
 [...]n ghode mochte beletten  
 [...] ne vructic niet een bast  
 395 [...]euinghe die es so vast  
 Ende van ghode ghefundeert  
 [.]ijnt [...]e ghemureert  
 Ende [...] omtrent

- [...]  
 400 Het st[...]  
 Dats ihesus k[erst ...]  
 Mijn huus ne n[...]  
 No mine mur[...]  
 Want onse here [...]  
 405 Dor sine wel g[...]  
 Doe soe die ta[le ...]  
 Began soe v[...]  
 So dat hare d[...]  
 Want ghenad[e ...]  
 410 Dat hi hare h[...]  
 Dat soe den v[...]  
 Ende dat hi [...]  
 De maertelie [...]  
 Ende daer af [...]  
 415 De blide hen[...]  
 Als een die in [...]  
 Ende van de[...]  
 Enter couder f[...]  
 Den dorst te n[...]  
 420 Doe affrodisi[a ...]  
 Der maegt [...]  
 Ende soe sac[h ...]  
 Die maghet [...]  
 Dies was har[e ...]  
 425 Nochtan hilt [...]  
 Met haren neg[...]  
 Die ccc dag[...]  
 Dat soe har[...]



- [...]
- 430 [...]
   
 [...]oe rieden
   
 [...] quame
   
 [...]eit name
   
 [...]e rieden
- 435 [...]der niet ghedieden
   
 [...]inc versiet
   
 [...] niet
   
 [...]eelghen gheest
   
 [...] alre meest
- 440 [...]e siere macht
   
 [...] soe ontfact
   
 [...]en dinghen
   
 [...]ochte bringen
   
 [...] dat vraghen
- 445 [...] dat si daden
   
 [...]le
   
 [...]e hare tale
   
 [...] varen huvt
   
 [...]s bruut
- 450 [...]inc
   
 [...] ontfinc
   
 [...]nerman
   
 [...] began
   
 [...]en
- 455 [...]t es ghode
   
 [...] die al vorsiet
   
 [...] sluten niet
   
 [...] seker

- [...]een dor weken  
 460 O[...]n loet  
 J[...]g]hovt roet  
 Dan men b[...]nc vrowe bi eengher leeren  
 Vte ihesus wet soude moeghen keren  
 Wi hebben ons segt soe dach ende nacht  
 465 Hic ende mine dochtre met alre macht  
 Ghepint of wise bi eenghen dinghen  
 Vte haren wille mochten bringhen  
 Van dreghene wi lettelt finneerden  
 No van biddene wi noit cesseerden  
 470 Wi gheloefden hare ghout ende gimme  
 Alsoet behort ter coninghinnen  
 Daer toe seluer ende ghout  
 Ende cierheit menechfout  
 Die hic niet can ghenomen wale  
 475 Samite pellele ende sendale  
 Hictcele vingerline hoefbande  
 Daer toe de crone van vwen lande  
 Ziden perlen ende ghesteente diere  
 Ende andre rijcheit meengertiere  
 480 [W]i prijsden hare oec de voere  
 Ende de scoenheit van den aemo[er]e  
 Dat de vrowe met manne [pleghet]  
 Alsse soe bi siere sijde [leghet]  
 So gheliet hare do alope[...]  
 485 Ghelijc of soet in therte had[de ...]  
 Sone achter op niet een twint  
 So seide onse worde [waren al w]int  
 No ghene pine [...]

- Ende doen pinen of verhanghen  
 490 Dvs worde ihesus macht verstilt  
 Want hets quaet dat ghi liede wilt  
 Dat hic enen quaet soude vlien  
 Mi souder groelec af meschien  
 Jhesus kerst heeft mi gheproeft  
 495 Of hem iet an mi mesfoecht  
 Dies bemmic blide ende vroe  
 Nv willic mi hier houden zoe  
 Dat mi tote in mijn ende  
 Jn sijn gheloeue ghestade vende  
 500 Hets recht hi heeft mi verloest  
 Van minen vernoie ende vertroest  
 Nv hort hier rechte waerheit  
 Alsoe die maegt dat hadde gheseit  
 Bleef soe ligghende ghebonden dar  
 505 Jn den carcre vir daghe der naer  
 Nad[ie]n dat hict ghescreuen sach  
 Doe leden was de vierde dach  
 Gheboet de coninc quintiaen  
 Sine cnapen vele saen  
 510 Dat sise daden vter hachten  
 Ende vor hem ten siege brachten  
 Dat hi gheboet daet si ghereet  
 Doe brochten sise vor hem gheleed  
 Doe soe vor hem was ghestaen  
 515 Doe sprac hi te hare saen  
 Aeghte segt hi dulle riesinne  
 Hoe langhe sullen dine sinne  
 Jn deser groeter verwoetheit sijn  
 Jeghen de ghebode mijn

- 520 Jeghen recht ende ieghen de wet  
 Die groete prinscen hebben geset  
 Coms noch af dies biddic di  
 Ende wes onderdanech mi  
 Ende laet achter dine wet
- 525 Ende anebede onsen mamet  
 Ende vant vaste der an gheloeuen  
 Jof ic sal di doen ghedoeghen  
 Pine torment ende groet seer  
 Meer dan du ghedoeghets noit eer
- 530 Doe sprac die maghet o wle tyran  
 Twi tijstu mi verwoetheit an  
 Hic bem vroeder dan ghi quaet hont  
 Dies danc hic gode te derre stont  
 Om wat dat minen liue ghesciet
- 535 Vwen raet ne volghic niet  
 Vwe worde sijn dul ende quaet  
 Want ghevenijnt so es v raet  
 Sonder bate ende sonder vrucht  
 Want dine worde smetten delucht
- 540 Sonder verstannesse es dijn sin  
 Ende lettet vroescepen esser in  
 Dar toe bestu loes ende fel  
 Dat machmen andi merken wel  
 Dar ghi ghenade ende hulpe an soect
- 545 Ende ouer ghode ane roept  
 Ende oec eert wel menech fout  
 Ende el niet dan stene ende hout  
 Dar gheen goet af mach ghescien  
 Ende niet ne wilt gheloeuen an dien
- 550 Die so rike es ende so machtech

- Ende in alle duegt so crahtech  
 So dat hi mi in corten stonden  
 Heeft wel ghenesen mine wonden  
 Die ghi mi here quintiaen  
 555 Vwen cnechten hier doet slaen  
 Ende mine smerte heeft verdreuen  
 Ende mine borste wel ghenesen  
 An minen lichgame wel te waren  
 Also si noit te voren waren  
 560 An desen ghod soudi bekeren  
 Ende altoes waerden ende eeren  
 Hi soudu loenen ghetrouwelike  
 Dar bouen in sijn hemelrike  
 Doe seide hi dit ne mach niet wesen  
 565 Segt mi wie v heeft ghenesen  
 Doe seide die maegt die zote kerst  
 Dies hulpe dat es mi alre best  
 Doe riep lude die kaitijf  
 Ay mi segt hi onsaech wijf  
 570 Waran bestu dus vaste comen  
 Hoe dorstu kerste vor mi nomen  
 Doe sprac die maegt ter seluer stonde  
 Ghode nomen met minen monde  
 Ende hic ne minne metter herten  
 575 Die mi heeft mine smerten  
 Ende mine wonden alle ghesacht  
 Ende mijn vernoi te nieute bracht  
 Dies moeti hebben groeten lof  
 Dar bouen in sijn hemelsce hof  
 580 De coninc verbalch hem mettien  
 Aeghte nu salic sien  
 Of ihesus kerst om v iet roect

Die ghi dus vaste ane roept  
 Doe gheboet hi sinen cnapen  
 585 Dat si pot scerue scarpe beijaegden  
 Ende sise spredden ghinder ende hier  
 Ende daer op leiden gloiende vier  
 Om dat die scerue souden springen  
 Entier maegt in haer vlesch dringen  
 590 Ende die maegt der toe leeden  
 Ende al moeder naect ontleden  
 Ende in midden dien viere legghen  
 Die cnapen ne dorstent niet ontseggen  
 Dat die valsce man gheboet  
 595 Dat daden si met haesten groet  
 Doe namen sise alsoe moeder naect  
 Alsoe soe gheboren was ghemaect  
 Ende worpense dar harde sciere  
 In alle midden van dien viere  
 600 Si ghinghen blasen ende stoken  
 Dat nu an hem lieden es ghewroken  
 In den gront van der hellen  
 Dar si altoes nv in quellen  
 Alsoe men dien heelghen lichgame goet  
 605 Keren wilde indie gloet  
 Daer toeghede ghod sier tekin een  
 Alsoe daer te jeghen worde sceen  
 Dar al dat. dat volc toe sach  
 De stede dar die maegt oplach  
 610 Die verbeefde ende verscoet  
 Doe was die anxene daer so groet  
 Datter sulc in ommacht seech  
 Bi dien viere stont eene weech  
 Die steenin was dar leenden an

- 615 Wel harde sere met onrechte  
 Also ghi here selue versint  
 Want ghi alle herten kint  
 Entye mijns inden carcre gomet  
 Entar vwen apostel sendet
- 620 Die mi in wel corten stonden  
 Daer heelde mine seere wonden  
 Ende mj bi gracien ende bi minnen  
 Manlike hebt doen verwinnen  
 Bande. slaghe. yser ende vier
- 625 Dat vreslec was ende ongherhier  
 Hic biddv alzo ghewarlike  
 Also ghi hier in arderike  
 Menscelijc hier wort gheboren  
 Omme te loessene die waren verloeren
- 630 Dat ghi ontfaermet mire pine  
 Dar hic in deluue ende verdwine  
 Ende hort mine bede daer ghi sijt  
 Ende oeft v here dinct wesen tijt  
 So moeti minen loen ghereeden
- 635 Ende mine ziele van aerderike sceden  
 Ende laetse comen haestelike  
 Met v dar bouen in hemelrike  
 Oec biddic v here nu met desen  
 Also hic versceden hier sal wesen
- 640 Ende alle de ghene die mi eere doet  
 Miere passien ende miere noet  
 Met deuotien sullen ghedinken  
 Hare vernoï moeti hem minken  
 Sijnt papen ruddren ofte vrowen
- 645 Bescermen moettise alle van rowen  
 Ende beuerden van alre noet

Ende van scamliker doet  
 So dat al haer meswende  
 Moete comen tenen ghoeden ende  
 650 De ghene die mi sullen versoeken  
 Jn enegher maniere of aneroepen  
 Dor vwen wille om de hulpe mijn  
 Dien so moetet nutte ende salech sijn  
 Ende hare beede moeti ghehoeren  
 655 Ende al haer vernoï mede testoren  
 Here oec deghene die stichten kerke  
 Of aelemoessene gheuen te mine werke  
 Dat moete sijn in vwer ghewout  
 Ende hem dat loenen dusentechfout  
 660 Jn graciën alhier in aerderike  
 Ende met bliscepen in hemelrike  
 Ende mede altoes verborghen  
 Van vernoïe ende van sorghen  
 Ende moet bescermen met vwer hant  
 665 Hare hws. wingart. coren ende lant  
 Van onghevalle ende van tempeeste  
 Paerde. coie. ende al haer beeste  
 Ende so laten der bi gheleuen  
 Ende sulke aelemoessene moete geuen  
 670 Dat siere haer sonden mede geboeten  
 Ende tehemelrike comen moeten  
 Oec biddic v vader wel lieue here  
 Dor vwer lieuer moeder eere  
 Dat alle die sullen horen lesen  
 675 Miin vite of dar wesen  
 Dar sise sullen lesen horen  
 Dien moeti beuellen allen toren  
 Ende moet vertroesten hare herten



Van allen rouwe ende alre smerten  
 680 En tye met siecheden sijn gheladen  
 Dien moetti dor vwe ghenaden  
 Der af ghenesen wel cortelike  
 Ende bringhen te vwen hogen rike  
 Ende mine ziele also mede  
 685 Hier so endde soe doe haer bede  
 Doe dese bede was ghedaen  
 Ghod ghehoeredse also saen  
 Ende orloefde hare dat soe bat  
 Dat volc dat daer stont ende zat  
 690 In den carcre daer tyer stede  
 Horde algader hare bede  
 Want soe dedse vor hem allen  
 Doe sagen si waer soe quam ghevalen  
 In cruus neder op den vloer  
 695 Hare gheest dat hare ontvoer  
 Doe quamen daer wel vele scoene  
 Jngle van den hoeghen trone  
 Ende namen daer die ziele  
 Ende beualense sente michile  
 700 Diese voerde in abrahams scoet  
 Dar die bliscap es wel groet  
 Daer so wart dier helleger vrowe  
 Hare pine gheloent ende hare rowe  
 Want ghod gaf hare te loene  
 705 Der maegde enter martelaren crone  
 Jnde bliscap van hemelrike  
 Dar zo sal wonen ewelike  
 Alsoe dat die ghode liede saghien  
 Die hare altoes te volghene plagen  
 710 Dat soe dus was bleuen doet  
 Dies hadden si rowe ende iamber groet  
 Ende wenden alle vele sere  
 De ziele bevaelsi onsen here

- Doe beghonssi den lichgame werden  
 715 Ende hieueene op van der aerden  
 Ende leidene in eene kiste ghereede  
 Ende dectene bouen met enen clede  
 Die kiste stappans si op hoeuen  
 Met ten lichgame ende wech droeghen  
 720 Ende leidene waerdelike ende reene  
 Onder enen scoenen marbersteene  
 Die sclecter was dan een glas  
 Die nichtinghe ghemaket was  
 Doe namen si salve wel diere  
 725 Ende specie meengher tiere  
 Ende bestrekenre den lichgame mede  
 Also die wet was entie zede  
 Binnen dien dat si haers plaghen  
 Sloeghen si thoeft op ende saghen  
 730 Waer een ionghelinc quam mettyen  
 Die noit man daer hadde ghesien  
 No ghekent oec sekerlike  
 Binnen aldien conincrike  
 Hi was met witten al ghecleed  
 735 Ende brochte daer met hem gheleed  
 Doe inde gheselschap sine  
 Meer dan hondert kinderkinne  
 Ende alle wit ghegaruut met witten  
 Doe ghinghen si biden graue sitten  
 740 Bede singhen ende lesen  
 Doe quam die ionghelinc met desen  
 Ende brochte een tafelkijn gedregen  
 Van marbre dar in stont ghescreuen  
 Aeghte helech was dine ghedachte  
 745 Ghode daedi eere bi daghe bi nachte  
 Bedie saelt lantscep sijn verloest  
 Ende van groeten vernoie vertroest  
 Hi nam die tafle met ghenende

- Ghod hi latene met eeren leuen  
750 Ende ember sulke dinc anegaen  
Dat hem in staden moete staen  
So dat hem ghod na sijn leuen  
Hemelrike moete geuen  
Ende oec hem allen mede  
755 Die ouer hem bidden in elker stede  
Dit maecti sente aeghten teren  
Na de ghebornesse ons heren  
M. cc. ende vi. ende .lxxx. iaer  
Tenamme in sinen cloester daer  
760 Die ouer hem nv bidden sal  
Ghod ghéuem geluc ende goet geual  
Alle daghe die hi sal leuen  
Ende ghod ne moetene niet begeuen  
Hine motem gheuen hemelrike  
765 Na sijn leuen ewelike amen  
Dese boec es nuttelec sere  
Diene leest bi onsen here  
So waer soet es lude of stille  
Jndien dat hijt doet met goeden wille  
770 xxvii.c. vaers heeft hi an  
Dit es oec waer bi sente ian